



ეკონომიკური ზრდის ტემპი


I კვარტალი, 2022 წელი

პარლამენტის საბიუჯეტო ოფისის შეფასებით, 2022 წლის I კვარტალში რეალური მშპ-ის ზრდის ტემპი დადებითი იქნება და 9.3% დაფიქსირდება. მშპ-ის მოსალოდნელი ზრდა 2022 წლის დასაწყისში განპირობებულია წინა წელს დაწყებული გაუმჯობესებული ეკონომიკური მდგომარეობის შენარჩუნებით და ე.წ. 2021 წლის პირველ კვარტალში ეკონომიკის შემცირების საბაზისო ეფექტით (2021 წლის პირველ კვარტალში ეკონომიკა შემცირდა 4.1%-ით), რომელიც COVID-19 პანდემიით იქნა გამოწვეული. სხვადასხვა ტიპის შეზღუდვების მოსალოდნელი გაუქმების პარალელურად, ასევე მნიშვნელოვანია საგარეო ვაჭრობის ტემპის გამოცოცხლებაც.

აღნიშნული პროგნოზი ემყარება დაშვებებს, რომ 2021 წლის პირველ კვარტალთან შედარებით:

- ⇒ ტურიზმის მოცულობა დაახლოებით 4.3-ჯერ გაიზრდება (2019 წლის I კვარტლის პანდემიამდელ მაჩვენებელთან შედარებით დაახლოებით 2.4-ჯერ ნაკლები). ამავე დროს უმნიშვნელოდ გაიზრდება ქვეყნიდან გასული ვიზიტორების რიცხოვნობაც.
- ⇒ ტურიზმის ექსპორტის მნიშვნელოვან ზრდასთან ერთად კვლავ შენარჩუნდება შიდა ტურიზმის აქტივობა.
- ⇒ გაიზრდება როგორც კერძო მოხმარების, ისე ინვესტიციების მოცულობა, რაც განაპირობებს მთლიანი მოხმარების და ინვესტიციების ზრდას და ეკონომიკური აქტივობის აღნიშნულ დადებით ტემპს.


■ / • რეალური მშპ-ის ზრდა (ფაქტი) - პროგნოზის ინტერვალი* • საქსტატის შეფასება



*პროგნოზის ინტერვალი აღნიშნავს დიაპაზონს, რომელშიც მშპ-ის ზრდის ტემპი იქნება მოცემული. ინტერვალის შეფასება მიღებულია ცენტრალური პროგნოზისა და გასული წლების კვარტალური ეკონომიკური ზრდებიდან ± 0.5 სტანდარტული გადახრის ჯამით.

- ⇒ მომსახურებით ვაჭრობის მკვეთრი ზრდის პარალელურად, მოსალოდნელია საქონლით ვაჭრობის მნიშვნელოვანი ზრდაც.
- ⇒ გაზრდილი მოხმარების პარალელურად მოსალოდნელია, რომ მნიშვნელოვნად გაიზრდება საქონლის იმპორტის რაოდენობაც.
- ⇒ გლობალური ეკონომიკის გაჭანსალების ფონზე მოსალოდნელია, რომ გაიზრდება ექსპორტზე მოთხოვნა და შესაბამისად, გაიზრდება საქონლის ექსპორტის მოცულობაც.

აღნიშნული დაშვებების რაოდენობრივი შეფასების შედეგად მოსალოდნელია, რომ 2022 წლის პირველ კვარტალში ექსპორტის მოცულობა უფრო მეტად გაიზრდება, ვიდრე იმპორტი და წმინდა ექსპორტის კომპონენტი 0.7%-ული პუნქტით განსაზღვრავს ეკონომიკური აქტივობის ცვლილებას, ხოლო აბსორბციის (მოხმარების და ინვესტიციების ჯამი) კომპონენტი მნიშვნელოვნად გაიზრდება და მშპ-ის ცვლილებას 8.6%-ული პუნქტით განაპირობებს*. საბიუჯეტო ოფისის მიხედვით, 2021 წლის მე-4 კვარტლის ეკონომიკური ზრდის შეფასებაში წმინდა ექსპორტი 2.3%-ული პუნქტით, ხოლო აბსორბციის კომპონენტი 7.2%-ული პუნქტით განისაზღვრა.



*2022 წლის I კვარტლის მშპ-ის ზრდის დეკომპოზიცია. საბიუჯეტო ოფისის შეფასება.

დამატებითი ინფორმაცია:

- [წლიური მაკროეკონომიკური პროგნოზები](#)
- [განმარტება მაკროეკონომიკური პროგნოზების მოდელის შესახებ](#)



საქართველოს პარლამენტის საბიუჯეტო ოფისი

WWW.PBO.PARLIAMENT.GE